



Broj: 16-12-16-6966-⁹ /20
I. Sarajevo, 10-11 2020. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2020. godini broj 16-12-16-6966/20 od 09.11.2020. godine, u postupku javne nabavke ski pasova za potrebe Državne agencije za istrage i zaštitu, direktor Državne agencije za istrage i zaštitu, donosi

ODLUKU

o izboru najpovoljnijeg ponuđača u postupku javne nabavke ski pasova
za potrebe Državne agencije za istrage i zaštitu

Član 1.

U postupku javne nabavke ski pasova za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije II za provođenje postupka nabavke za potrebe Državne agencije za istrage i zaštitu u 2020. godini broj 16-12-16-6966/20 od 09.11.2020. godine, ugovor se dodjeljuje ponuđaču Akcionarsko društvo Olimpijski centar „Jahorina“ Pale, ponuda broj 16-12-16-6966-7/20 od 05.11.2020. godine, za ponuđenu cijenu u iznosu od 10.352,49 KM bez uračunatog PDV-a sa uračunatim popustom od 15%.

Član 2.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-6966-1/20 od 20.10.2020. godine pokrenut je postupak javne nabavke ski pasova za potrebe Agencije, procijenjene vrijednosti u iznosu od 12.820,00 KM bez uračunatog PDV-a, za koji je obavještenje o javnoj nabavci broj 1161-7-1-236-3-41/20 od 22.10.2020. godine objavljeno na Portalu javnih nabavki. Novčana sredstva za realizaciju navedene nabavke obezbijedena su u okviru budžetskih sredstava za 2020. godinu, a na

osnovu Zakona o budžetu institucija Bosne i Hercegovine i međunarodnih obaveza Bosne i Hercegovine („Službeni glasnik BiH“, broj 46/20). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 05.11.2020. godine do 13,00 sati, te da se ponude dostavljaju u zatvorenoj koverti, Komisija je dana 05.11.2020. godine u 14,00 sati izvršila javno otvaranje ponuda. Javnom otvaranju ponuda prisustvovala je ovlaštena predstavница ponuđača Akcionarsko društvo Olimpijski centar „Jahorina“ Pale.

Blagovremeno su dostavljene dvije ponude i to:

R/B	Naziv/ime ponuđača	Ponuđena cijena (bez PDV-a) u KM
1.	KJP „ZOI' 84“ OCS d.o.o. Sarajevo	6.410,265 KM
2.	Akcionarsko društvo Olimpijski centar „Jahorina“ Pale	10.352,49 KM bez uračunatog PDV-a sa uračunatim popustom od 15%

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima i postupak je dalje nastavila u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđač KJP „ZOI' 84“ OCS d.o.o. Sarajevo ispunjava kvalifikacione uslove u pogledu sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, ali ne ispunjava uslove u pogledu lične sposobnosti iz člana 45. Zakona, obzirom da je dostavio nepotpunu dokumentaciju.

Komisija je utvrdila da je ponuđač KJP „ZOI' 84“ OCS d.o.o. Sarajevo dostavio dokaze iz člana 45. Zakona odnosno tačke 3.1.1. Konkurentskog zahtjeva i to: ovjernu kopiju Uvjerenja Uprave za indirektno oporezivanje broj 02/6/II-16-11-20-8275/20 od 20.10.2020. godine, iz koje je vidljivo da navedeni ponuđač nema dospjelih, a neizmirenih obaveza po osnovu indirektnih poreza, ostalih prihoda i taksu definisanih odredbama člana 1. stav (2) Zakona o sistema indirektnog oporezivanja („Službeni glasnik BiH“, br. 44/03, 52/04, 34/07 i 4/08) i člana 1. stav (3) Zakona o uplatama na jedinstveni račun i raspodjeli prihoda („Službeni glasnik BiH“, br. 55/04, 34/07 i 49/09), ovjernu kopiju Obavijesti Porezne uprave Federacije Bosne i Hercegovine Kantonalni porezni ured Sarajevo broj 13-9-01-12-27-sl6/20 V.S. od 17.08.2020. godine (u daljem tekstu: Obavijest) i ovjerenu kopiju Sporazuma o plaćanju dužnih javnih prihoda u ratama broj 13/10-15-22-1167-1/17 M.S. od 27.09.2017. godine, zaključen između KJP „ZOI' 84“ OCS d.o.o. Sarajevo i Porezne uprave Federacije Bosne i Hercegovine (u daljem tekstu: Sporazum).

Naime, tačkom 3.1.1. Konkurentskog zahtjeva propisano je da ugovorni organ prihvata sporazum ponuđača sa nadležnim institucijama o odgođenom plaćanju obaveza uz potvrdu nadležne institucije da ponuđač u predviđenoj dinamici izmiruje obaveze.

Nakon uvida u Obavijest, vidljivo je da je zadnja uplata KJP „ZOI' 84“ OCS d.o.o. Sarajevo po Sporazumu izvršena dana 10.08.2020. godine, međutim uvidom u Sporazum, Komisija je utvrdila da nedostaje treća strana od ukupno šest stranica Sporazuma.

Imajući u vidu činjenicu da nedostaje treća strana Sporazuma, Komisija ponudu ponuđača KJP „ZOI' 84“ OCS d.o.o. Sarajevo nije uzela u dalje razmatranje.

Komisija je utvrdila da ponuđač Akcionarsko društvo Olimpijski centar „Jahorina“ Pale ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, kao i formalno-pravne uslove iz Konkurentskog zahtjeva. Komisija je utvrdila da je ponuđač Akcionarsko društvo Olimpijski centar „Jahorina“ Pale dostavio dokaz o

preferencijalnom tretmanu domaćeg odnosno Potvrdu Privredne komore Republike Srpske- Područna privredna komora Istočno Sarajevo broj 01-142/20 od 26.10.2020. godine.

Budući da je za postupak javne nabavke ski pasova za potrebe Agencije, Konkurentskim zahtjevom predviđeno provođenje e-aukcije u skladu sa Pravilnikom, da je Komisija prihvatila samo jednu prihvatljivu ponudu, Komisija u smislu člana 3. stav (3) Pravilnika nije zakazivala e-aukciju, već je postupak okončala u skladu sa odredbom člana 69. Zakona, primjenjujući kriterij najniže cijene tehnički zadovoljavajuće ponude iz tačke 8.1. Konkurentskog zahtjeva i sačinila rang listu ocijenjene ponude, kako slijedi:

R/B	Naziv ponuđača	Vrijednost ponude (bez PDV-a)
1.	Akcionarsko društvo Olimpijski centar „Jahorina“ Pale	10.352,49 KM sa uračunatim popustom od 15%

Nakon provedenog postupka ocjenjivanja dostavljene ponude, Komisija je utvrdila da je ponuda ponuđača Akcionarsko društvo Olimpijski centar „Jahorina“ Pale ocijenjena kao najpovoljnija ponuda, da ista ne premašuje procijenjenu vrijednost javne nabavke i da podliježe primjeni preferencijalnog tretmana domaćeg.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se u postupku javne nabavke ski pasova za potrebe Agencije, ugovor dodijeli ponuđaču Akcionarsko društvo Olimpijski centar „Jahorina“ Pale, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima;
- Sektoru za mat.-fin. poslove;
- a/a.

